

列女

列女眾矣其志行尤奇偉事蹟有可述者次爲傳餘則以旌之先後登焉其耳目所及採訪所得則附於後云黃貞女黎里人年八歲字馮氏子倫倫天父母爲議婚女以死自誓恐父母終奪其志遂祝髮爲尼母往視則貞女緇衣出拜淒動顏色見者泣下於是往來承歡於父母前歷四十五年卒年六十四

郁貞孝女黃溪人父早卒女以養母育弟自任終身不嫁江貞烈女字顧氏子某某歿女白父欲奔其喪父不許再縊再觸柱及赴水均以救不得死數月傷悲致疾卒

黃貞婦張氏黃廷經聘妻年十九未婚黃歿父母議他字輒吳江縣續志卷二十五 人物十一
不食遂歸黃事其祖姑及姑維謹越一年以哀毀卒乾隆六

十年卒

潘貞婦徐氏潘如蘭妻如蘭將婚而病劇不能親迎婦歸潘明日如蘭亡婦年方二十守貞二十四年卒

潘貞婦徐氏潘時賢妻方成婚時賢已病僅三日而時賢歿婦年時二十三翁姑議改嫁之矢志自守未幾翁歿奉姑以孝聞兩貞婦皆黎里人

沈貞女施塔村人字張鳳儀張歿女年二十歸張守志三十九年卒

戴貞女黃溪人字鈕南山鈕溺水死女年十七歸鈕守志二十年卒

陳貞婦葉氏同里人陳璉聘妻年二十三璉卒婦聞訃矢志

守貞姑未之許則絕粒求死乃歸於陳衰麻哭泣成禮撫夫姪爲後守志終身

朱貞婦陳氏字同邑朱某某客死婦聞訃引刃自決不殊夜半復蘇遂衰絰往朱持木主成禮勺水不入口者五日是歲夫弟升聞生而姑歿婦鞠之迨升聞生子十指不備欲弗舉婦諦視之曰右手尚可握管乞爲後後升聞他子皆不育存者惟婦所後子也乾隆三十七年卒守貞二十四年

凌貞婦龔氏年十五歸凌氏子爲養婦居三年凌氏子歿未婚也翁憐其少令歸父母家將更字之婦投水中不死仍歸於凌翁老無子而家又貧婦徧告諸姻婭醵錢爲翁納妾踰年翁生子而妾又死婦撫之及長爲娶妻生兩男乃以其長者爲夫後婦農家女也卒年六十一陳赫有詩紀其事

吳江縣續志 卷二十五 人物十

張貞婦黃氏黃溪人年十五歸六里厘張氏子爲養婦未婚

張氏子死奉木主成禮撫夫兄子逮其成立年三十八卒

徐貞女徐達源第四女晉鎔妹也字吳縣宋守訓未嫁守訓

卒女聞訃卽病病劇則夢宋郎遂卒父憐之告於宋迎其柩

合葬焉兄晉鎔爲賦貞女行一絲縈柯折蘿松北有喬柯迢迢

兆未嫁婿先天冰心恥自明託物喻邱嫂年年花發時探摘
每恨遲遲來謝膏沐開落兩不知淒風孟秋夜病劇自驚詫
呼母更呼兄索鞋更索帕云有白誓郎盛服入我房又有駝
背軀促我登車箱誦論旦未息邱嫂意悽惻謂必是宋郎陰
魂來相逆明鏡光易埃風燭炬易灰可憐女貞花生向重泉
埋父時偶入郡歸路得凶信撫尸一長吁命就西階殯尺書
日夕馳往使男氏知其臨歿狀舅聞歎曰噫亡兒白晝是
駝者乳媪耳感室鬱鬱西山瑩宋郎居郡城守訓乃其名妹
夫兄同穴而與室鬱鬱西山瑩宋郎居郡城守訓乃其名妹
凌字鏡如婉妙由性生懷金瑛操死繫庭帟情忍淚不致
哭請歌

朱氏三貞孝女巡檢朱文瀛女文瀛有子天三女相從紡績

養父母父母歿族人無可爲後三人相誓終守先祀鬻釵釧營殯葬或勸之字則泣曰女子適人必以父母命令父母終矣且無他兄弟誰守朱氏祀者卒不嫁椎髻布衣紡績終其身

沈貞婦朱氏朱毓照女字嘉善沈丹槐丹槐以道光壬午成進士選庶吉士未婚遭父喪哀毀卒貞婦年二十聞訃哀慟欲奔其喪父母送之歸於沈婦兄曰瑞增以事蹟徵詩士大夫咸歌詠之

沈貞婦李氏新杭里人李龍環女字秀水沈氏子紹銛婦年十七未婚維銛歿聞訃飲泣不食數日夜白父母曰兒無他求生死願歸於沈諾之自是服常縞素笑未嘗露齒父母卒幼妹甫十齡日以小學課妹讀歷九年舅姑始迎貞婦歸矣

吳江縣續志

卷二十五

人物十

三

夫弟有子以後維銛貞婦既至沈事其姑謹姑病寢未安不入已室貞婦自維銛歿後叠遭親喪又哭其天母日益蕉萃及叔姒產女也益抑鬱病遂劇咸豐四年三月卒年二十九顧貞婦費氏主事費延洪女年十七字顧和豐未婚和豐歿貞婦欲殉歿矣父母許以不更字遂素服歸顧年二十八卒徐貞婦錢氏監生錢維新女舉人徐樹勳聘妻婚有日矣樹勳遭亂抑鬱成疾將革貞婦請行母許之歸徐一日樹勳卒倉卒棄家避賊日僅一粥撰作無間樹勳前室有子二人曰儒雋儒藻儒雋出爲族父後儒藻得疾卒貞婦痛憤亦以疾卒年二十九

程貞婦吳氏程昌運聘妻昌運卒貞婦年二十五矣矢志不再字同治三年歸於程坐臥一樓鄰里罕見其面

黃貞婦許氏諸生黃鑒聘妻鑒試江甯卒於寓聞訃告父母歸於黃數年哀毀卒

任貞婦 氏任世昌聘妻世昌婚有日病劇貞婦抵任入室視其夫病淒動顏色是日世昌死父強挾之歸絕食三日不能奪卒歸於任現存年四十歲

沈貞婦成氏沈文杰聘妻婦先爲沈養婦文杰歿婦年二十戚族勸之返不聽遂守志現存年四十一歲

王貞女王建中女字陳倩雲陳出外久不歸女蔬食終其身年五十五歲卒

徐貞孝女父母歿有弟瞽女撫其弟終身不嫁道光三十年卒年五十八歲

陸貞孝女父良能以親老弟幼終身不字同治三年卒年六十五歲

吳江縣續志

卷二十五

人物十

四

徐貞女農家女也幼字某氏子歿女傭工力食不再字年六十餘依姪某以終

吳貞女監生吳寶豐女幼字邱氏子邱歿女不欲生父以年老無依勸止之守貞三十餘年

程貞婦吳氏監生吳一峯女字程健夫程歿欲殉之程迎貞婦歸灑掃一樓寂處終身

屠貞婦陳氏諸生陳星聚女字屠應權年十五喪母歸屠爲養婦未婚夫亡終喪歸省父父憐其少爲之更許字貞婦慟

哭嘔血不能起屠遣嫗來省貞婦貞婦泣謂嫗曰吾忍死翁來一訣翁至則已隨絕張日日媳翁家人也遂歿年二十

一士林咸以詩記之曰郝舟集

沈貞女字張子山年十八張歿矢志不更字年七十四卒
宋節孝婦沈氏新杭里人貢生宋如綸妻年二十七夫亡姑
病篤刺指血爲疏禱於神願減年益姑算姑病尋愈

周孝女黃溪人父染疫垂死女時年十八割股肉以進病尋
愈後字里中史溥未嫁卒

三孝女舉人洪文益姑歸仲增慶者未嫁時父鉦病割臂肉
以進得瘳沈淞姊歸唐咸安者父棟病亦割股肉療之程光
斗妻宋氏平望某女父病割股尋愈母病復割不效病轉篤
再割血溢不止死焉

周孝女舉人周元均女年十歲母朱病女與兩姊日夜扶持
抑搔日誦佛祈母病閱三年母歿女鬱泣成疾夢中時時聞
呼母聲恍惚與母語卒時又呼母不絕年十二士大夫爭作
吳江縣續志卷二十五 人物十一 五

詩哀之

沈孝女沈學詩女母已旌節婦金氏父歿後母弱而多病不
數年母亦歿女號慟數絕越二十六日卒年二十二

方孝女農家女也親老病無兄弟矢志不嫁紡績養親

朱孝女母病癘事母終身不字兄嫂歿撫兄子成立年六十
餘卒

沈孝女幼喪父矢志奉母不字母歿居一樓母坐臥處日灑
掃拭除上食進盥必致哀年五十八卒

郁孝女父御賓早歿養母撫弟終身不字年七十餘卒

趙孝女知縣趙芝女父及兩弟歿女奉嫡母生母終身獨居
一樓年四十八卒

仲孝女監生仲珩姊母遺命撫其幼弟遂終身不字

錢孝女父心傳孝養不字親歿撫其弟嘉猷年五十二卒
顧節孝婦徐氏徐延清妻姑目瞽舐之復明夫亡年二十二
守節三十年卒

邱孝婦黃氏邱鍾秀妻在室時割臂肉療母病適邱姑病亦
割臂療之姑性嚴急輒施鞭撻孝婦順受不敢怨鄉里稱孝
無異辭年二十八卒

汪孝婦陳氏汪涵光妻姑病割股煮糜以進

諸生宋潛妻方氏夫病露禱於庭願以身代夫病愈氏暴卒
程璞妻蔡氏夫病割股療之愈

黃孝婦汪氏黃額妻夫故姑年老患瘧病篤婦焚香禱天七
晝夜以所禱疏焚飲姑疾頓愈逾年復病遂不起婦哭之淚
血暈絕而蘇一夕謂人曰吾姑去年是夕語我曰吾老病不

吳江縣續志

卷二十五

人物十

六

九 知明歲今日尚在此笑言否言已痛哭血上湧死焉年三十

沈孝女父徵父歿時方四歲見母哭哭亦甚哀及長母病割
股肉以進病良愈後復病復割卒不起適候選州同凌澍卒

年三十二

黃孝婦殷氏監生黃大源妻姑歿哭之日成瞽有僕婦爲姑
所愛待之盡禮曰見爾如見吾姑也

張節孝婦王氏貢生王致望女父病割臂肉和藥以進病良
愈後適候選縣丞張儒良夫病婦跪家祠煎刺血和藥療之
刺心前十餘不得血夫歿哀痛不欲生親族勸以撫嗣大義

止焉

李孝婦王氏李維高子某妻適李爲養婦未婚同治十一年

秋李屋火倉卒皆走孝婦亦走視其姑猶未出復返身入將翼其姑不得出死火中火熄檢遺骸猶抱其姑維高市人不白知其家有孝婦也未旌